

Ifyanso Ifya Maka Nganshi

11 Abena Korinti 10:3-5,

“Pantu nelyo twenda mu buntunse, tatulwila umwalola ubuntunse: pantu ifyanso fya bulwi bwesu te fya buntunse, lelo fya maka muli Lesa ku kuwisha amalinga ayakosa; tuwisha ifyafikansa, na conse icasansabala ica imikwa ku kukanya ku kwishiba Lesa, kabili tutwala amapange yonse muli bunkole ku cumfwila ca kuli Kristu.”

1) Amapepo:

Nomba, muli buno bulendo Ena alilaya ukutupela fyonse ifyo tulekabilapo: *“Fyonse ifyo mukalomba Tata mwi Shina Lyandi, filya Nkacita, fyonse ifyo mulekabila, ilyo mwapepa, tetekeleni ukuti namupoka, kabili fikaba kuli imwe” (Marko 11:24).* Nomba, **Ena atupele icanso ica maka nganshi ico ica bapo mwi sonde, kabili cilya mapepo. Amapepo eya pilibula ifintu. Umwinakristu taishiba ifyo yaba amaka ayo ena akwata ilyo afukama pa makufi yakwe ku cinso ca kwa Lesa Impalume mwi Shina lyakwa Yesu Kristu.** Ena teshiba ifyo yalya yaba amaka. Nga abantu kuti baishiba fye ukuti ico bapelwa kuli bena, icintu icili conse mukalomba mukapelwa **nga kuti mwakwata icitetekelo ukucetekela cena.** Pantu Icebo cakwa Lesa ca Cine. ^[1]

Ifyo muntu eta ukuba ifikalamba, Lesa alafita ifya buwewe, kabili ifyo muntu e ta ifya buwelewele, Lesa alafita ifikalamba. E ico ico tulingile ukucita cili

ukubwelelamo mu butantiko bwakwa Lesa no kusanga, nangu cibe fyo, ifyo Lesa alefwaya ifwe ukucita. Kabili inshila fye yeka iyo naishiba ukucitilamo cena mapepo. Amapepo e lufungulo. Bulya e kwasuko. Amapepo yalapilibula ifintu. Amapepo canso ica maka nganshi ico icatalile ukubikwa mu butungulushi bwa bantunse. Takwaba ibomba lya atomic, atemwa takwaba ibomba lya hydrogen ilya maka nganshi nga amapepo, amapepo yali no kupilibula amano yakwa Lesa. Bushe mwaliishiba cilya? Yena yalicitile cena inshita imo.

Kasesema alituminwe kulya ku mfumu mu cipinda, kabili atile kabiye kulya no ku mweba, “EFYO ASOSA SHIKULU, ena tafumepo pa busanshi, ena ali no kufwa palya pene epo abelele.” Esaya aile kulya no kweba Hesekia cilya. Kabili kuti naelenganya bonse bashi mucindikwa pa mpongolo, abekalamushi mulubansa lwa kunse, ilyo baingilemo batile, “Owe, kasesema wakwa Lesa, cili nokuba shani ku mfumu yesu?”

“EFYO ASOSA SHIKULU, ali no kufwa.” (11 Ishamfumu 20:1-7). Aile kulya ku bashilika, “Owe, kasesema mukalamba, ni finshi Shikulwifwe alesosa pa mfumu yesu?” – “EFYO ASOSA SHIKULU, ali no kufwa,” kabili cilya cali icishinka; Shikulu alimwebele cilya, aile kulya, aingile mu kayanda kakwe akanono kulya mu matololo.

Kabili Hesekia ayalwile icinso cakwe ku cibumba kabili alilile nganshi, kabili atile, “Shi mwe Yehoba, shi ibukisheni; ifyo nyenda ku cinso cenu mucine kabili no mutima wa cishinka. Ndefwaya imyaka naimbi ikumi limo na fisano ukubika ubufumu bwandi mu busuma.” Kabili na mwishiba, cilemoneka kwati Lesa alefwaya

ukusosa icintu cimo, Ena nga limwebele ilyo ena acili alelanda kuli wene. **Lelo Lesa alikwata inshila isha kubombelamo ifintu. Imwe mulingile ukwisa inshila shakwa Lesa ne micitile yakwa Lesa iya kucitilamo ifintu. Ilyo lyonse tuleesha ukwisamo fwebene, lyena teti cibombe.** Kabili ifwe teti tupashanyefye kuli umo no mubiye; ifwe tulingile ukwikala umo umo ku cinso cakwa Lesa.

Nomba, umuntu umukalamba nganshi mu calo, mucine, ali ni mfumu. **Umuntu umukalamba nganshi ku mulu ali ni Lesa.** Ulya palya umutnu umukalamba nganshi pe sonde alelanda ku Muntu umukalamba nganshi ku Mulu, lelo nomba amaka ayakalamba aya ku mulu teti yalande mu mbwekesha ku mfumu. Pa mulandu ena tacapilibwile ukuba filya; ena ali fye imfumu. Kabili lyena alandile kuli Esaya (ulya ali ni kasesema wakwe.) kabili atile, “Kabiye kamwebe ukutla ni ng’umfwa amapepo yakwe kabili nalamupela ilya imyaka ikumi limo na fisano.” Nomba, “Musangonshi muletonkanya ulya kasesema alingile ukuumfwa insoni ukubwekelamo, “Cinshi ico waishila, kasesema.” [2] Bushe kuti mwaelenganya Esaya ukubwekelamo ukupita muli ilya ibumba?

Kabili lyena Lesa ali mwebele, atile, “Bwelelamo no kuya mweba ukutla tafwe.” Ni cinshi icacitike? **Amapepo. Icanso ica maka nganshi ico icatala ukubikwa pa muntu uuli onse.**

Kuti namona Esaya ukubwelelamo ukusosa, “*Njeleleniko, ali no kuba no mweo.* EFYO ASOSA SHIKULU, ena ali no kuba no mweo. EFYO ASOSA SHIKULU.” Ni cinshi icicitile cena? [3] Ni cinshi icapilibwile cena? **Amapepo.**

Ilya e nkama. Amapepo yalesula umwinshi, amapepo. “Conse ico mukalomba mu mapepo ne citetekelo ukucetekela, mukapokelela cena. Lombeni ifingi pakutila insansa shesu shifulileko.” [2]

E ico kanshi ulya e mulandu wine, atile, **“Ipepo Iya citetekelo likapususha umulwele,”** lilye pepo Iya muntu umo. **“Ukupapata kwa muntu mulungami kubomba ku maka ayengi”** (Yakobo 5:16). Owe, nga mwalishibe fye, ukutila mu kuboko kwenu **Kristu apele ifwe Ulupaka Mwishina Lwakwe** pakuba abena Kristu, **icanso ica maka nganshi isonde lyatala ishibapo: Amapepo yena yalapilibula ifintu fyonse.** Yena yali no kupilibula amano yakwa Lesa. Yena yalicitile cena. [4]

Belengeni *Abena Efese 5:18-20, Abena Roma 15:30-32 na 11 Abena Tesalonika 3:1-2.*

2) Ukulekelako No Kulumbula:

Icebo cakwa Lesa cikacimfya Satana ukuli konse, incende ili yonse, inshita ili yonse. Nomba, ilyo Yesu ali pano pe sonde, ndecetekela Ena ali Imanuele. Lesa ali muli Kristu ukuwikisha isonde ku Mwine eka (11 *Abena Korinti 5:19*). E ico imibele yonse ikalamba iyakwa Tata yali muli Kristu Yesu Umwana ilyo Ena ali pano pesonde. Fyonse ifyo Tata akwete fyali Fyakwe. **Kabili na fyonse ifyabupe ifisuma ifili muli Lesa, kabili na fyonse filya ifyali, fyali muli Kristu. Lelo ilyo Ena akumenye Satana, Ena tatalile bomfya cimo pali filya ifya bupe.** Ena, ukuba fye icilangililo cenu. Ena aletele cena uko abanakuka nganshi Abenakristu...Nomba, ena alikwete amaka lilya line ukwebaula Satana no ku mutamfya wene. Lelo ico Ena acitile, Ena tatalile sontelela kuli yamo amaka Yakwe. [1]

Abantu fye bamo baba nensoni. Panuma ilyo bapokelela Shikulu Yesu nga Kapususha wabo, **balaya kunse kabili balaba ne nsoni uku mulumbula wene.** Inshita ishingile balasumina Wene nga Kondapa wabo, kabili balaya kunse kabili balomfwa insoni ukulumbula Wene. Imwe tamulingile uku mfwila insoni Wene. Imwe mulingile ukwiminina...Te mulandu ico icingacitika, imwe mulingile ukuya pantanshi ukwiminina pa bunte bwenu.

Pantu Lesa kuti apususha imwe ilyo mulepelo bunte. Ena kuti aundapa fye imwe ilyo mulepela ubunte. Ena naikala ku kwakulyo kwa kwa Tata ilelo **ukucito ukupapatila pa fya kulumbula fyenu.** Cena tacaba ifyo mwingabilikisha. Tacaba na maka nganshi mwingoma pa cipailo, niinga imilimo iisuma iyo mwacita; **caba icitetekelo cenu ici mupususha.**

kabili nga walumbula cena ne milimo yenu kabili ukufuma mu mutima wenu Ena alatendeka ukubomba nga Shimapepo Mukalamba ukwikala ku kwakulyo kwa kwa Tata ukucito kupapatila pa fya kulumbula fyenu (*Abahebere 3:1*). **Ena teti amucitile icintu cimo imwe kano intanshi mwacetekela cena kabili no kusumina no kulumbula cena ukuba ifyo.**

Kabili abantu ilelo, bena bali nokuya kunse, ukusosa, “Cisuma, naliumpfwa bwino mailo ubushiku, nomba ilelo ndeumpfwa ububi nganshi teti nshipikishe cena nangu panono.” Cilya ni filya fine fye ilyo mwalufya ukulumbula kwenu no kuya fye panshi. Te mulandu ifyo mwaba, ifyo mwaba aba mushilo, ifyo mwaba aba bulesa, uli kapyunga, uli shimapepo, atemwa niwe dikoni, **atemwa conse ifyo muli, atemwa mwaba Umwinakristu pa myaka ikumi limo na fisano, nga**

mwafuma muno mailo no kulufya icitetekelo ukutila muli Mwinakristu kabili mwatendeka ukweba abantu ukutila tamuli Mwinakristu nakabili, iwe walibwelela numa. Iwe waya.

Kano fye ku kulumbula kobe kuti wapusushiwa. Cilya canso ca maka nganshi ico Lesa abika mu kuboko kwa muntu, caba ukulekelako (*Amalumbo 37:5; Amalumbo 55:22*) kabili no kulumbula (*Abahebere 3:1-2 na Bahebere 4:14-16*). Cikacita cena inshita fye yonse, nga wacetekela cena, ukusumina cena pali ulya mulingo, no kucetekela cena no kwikala na cena. **Twalilileni ukulumbula cena. Ilyo mwalumbula cena...(*Mateo 10:32*).**

Namwishiba ici abantu abengi balolekesha ku fyakumwenako. Bena lyonse balaya mumbali no kusosa, “Cisuma nomba, nshileumfwa bwino nangu panono.” Cilya tacakwatapo nangu cimo icakucita na cena. **Caba kuco mwacetekela, te cilya ico muumfwa.**

[5]

3) Ulubatisho lwa Mupashi wa Mushilo mu mitima yesu:

Abaume na banakashi, ifyo tufwaikwa ilelo te mashina yesu pe buku lya lukuta...**lelo ico tufwaikwa kusenda cilye canso ca maka ca Mupashi wa Mushilo mu mitima yesu, ico icipilibula ubuntu bwesu bwa mukati, no kutulenga ukuba ifibumbwa fipya muli Kristu Yesu (*11 Abena Korinti 5:17*), kabili alalwisha inshila ukupita mu calo ca lubembu ku bulungami na maka ya kubuka kwa kwa Yesu Kristu.** Cilya e co tufwaikwa. Cilya e co ulukuta lufwaikwa, te kuluwaminisha atemwa ibumba lya ba membala

abapya, lelo ukupuputula cilya ico twakwata, no kwisushiwa na Mupashi wa Mushilo, no kuya kunse ukulwisha umulwani, ukupepela abalwele, ukundapa abalwele, ukutamfya ifiwa. Mwapokelela ubupe; peleni ubupe. Ifi fishibilo fikakonka abo abacetekela (*Mateo 16:17-18*). **Kristu abikile mu minwe ya muntu icanso ica maka nganshi ico icatala ukubikwa ku bantunse, cali ulubatisho lwa Mupashi wa Mushilo: umutima uupya, umupashi uupya. “Kabili nkabika Umupashi wandi mulya” (Esekiele 36:26-27). Kabili lyena ukulwa na cilya icili muli imwe mpaka imfwa ika mupatule.** [6]

Ena atumine ukubwasha pa bushiku bwa Pentecost ku mutundu uwawa wa kwa Adamu **ulubatisho lwa Mupashi wa Mushilo**, ukusosa, **“Sendeni ici kabili citeni icawamisha ico mwingacita ukulwisha ubututu imipepele iya bufi, ulubembu na malwele.”** Abaume abo abalumbula ukufyompa umwina wa lukombo lwa mapalo yakwa Lesa, musangonshi twingekala tondolo mu nshita ya musango ifi ilyo Lesa apela ifwe icanso camaka nganshi ico umuntu atala ukubika mu minwe ya muntu ukulwishishako ulubembu, na malwele, no bututu, ne mipepele ya bufi. **Lwena lwelele ulutuntulu ulwaisulamo ulubatisho ulwa cine ulwa Mupashi wa Mushilo. Lesa alefwaya impalume. Bushe kuti waba umo?** [7]

4) **Ukudemwa kwakwa Lesa:**

Ifwe nalyo line tatulati twise ku ciputulwa icikankala. Ni Yesu Kristu ukudemwa kwakwa Lesa, uo Lesa afwaya ifwe ukumona. Ifyo caba ubulanda. **Ukudemwa e kwapulishamo, icanso ica maka nganshi**

ico ili sonde talyatala monapo atemwa ukwishibapo. Ukutemwa kwakwa Lesa kwabikwa mu mitima yesu ku Mupashi wa Mushilo, ukutemwa kwa kwa Lesa kuli ifwe (*Abena Roma 5:5*). [8]

Nalikwata insoselo: “Cita icalungama; ulya e mulimo obe kuli Lesa. **Tontonkanya icalungama; ulya e mulimo obe we mwine.** Kabili mulingile ukufuma bwino.” Kabili nga mwaesha ukucita icintu icalungama, cili no kumena ukushinguluka imwe ngo mwanganshi; cili no ku kumbatila imwe muli cena. Kabili nga teti mutemwe umulwani wenu mubwingi fye nge fyo mutemwa balya aba mutemwa, paliko icintu cimo ica lubana pa cifulo cimo.

Nomba, tontonkanyeni fye: “Cena mulimo wandi ukutemwa umulwani wandi.” Imwe mucine mulingile uku mutemwa. Lelo lekeni mwebwe inkama inono. Amaka ayapulishamo nganshi mwi sonde tayaba mu kulandila mundimi, atemwa ukwilula indimi, atemwa ukucindikwa na Lesa ukuba kapyunga, atemwa ukuba kabila wa mbila nsuma, atemwa ukuba kasesema; **icanso ica maka nganshi ico natala sanga mu bumi bwandi, caba kutemwa.** Ukutemwa kwa fileo, icili ishiwi lya Hela lyafumina kuli bucibusa, nge fyo mwakwata ku mukashi wenu. Pali ba ubupusano pakati ka kutemwa kwa fileo na agapao. Fileo ku kalenga nyina kuli ulya mwana, ukubutuka ukupita mu lubingu lwa mulilo. Ubumi bwakwe tabupilibula nangu cimo. Cilya ni fileo. **Ni cinshi ico agapao kwingacita, ukutemwa kwa bulesa?**

Ifwe tulingile ukutemwa, ukutemwana umo no mubiye ukwa bulesa. Lyena taumona icilubo cakwa munonko (*1 Yohane 2:10; Amapinda 17:9*). Nga ena

apanga icilubo, tamucita, imwe mulalolekesha pa mulu wa cena, kabili imwe mula mutemwa nangu cibe fyo. Mwamona? Cilya cili. Ukutemwa abo aba kutemwa. Kanshi bushe umubembu tacita icintu cimo cine? **Lelo ukutemwa abo abashitemwa iwe.** Cilya e cilangisha Umupashi wakwa Lesa muli imwe, pa mulandu Ena atemenwe imwe ilyo mwali umulwani Wakwe (*Abena Roma 5:6-8*). Kabili Ena atemenwe imwe. Kabili ulyo Mupashi uli muli imwe, ukalenga imwe ukutemwa umulwani wenu, ngefyo mwingacita kuli cibusa wenu. (*Mateo 5:43-48*). [9]

Imipashi iyabipa taitamfiwa ku bwikashi ubwa bunkalwe ubwa fikansa. **Icanso ica maka nganshi icabapo mwi sonde caba kutemwa.** (*1 Abena Korinti 13:1-13; 11 Abena Korinti 5:14*).

Mbikeni pesamba Iya cipembe, pesamba Iya Mulopa wakwa Shikulu Yesu. Sendeni ifya bupe fyenu fyonse ifyo mwakwata mu Malembo. Kasebanya kuti apashanya cila cimo ca fyena; lelo ena teti apashanye ukutemwa, pa mulandu ukutemwa kwa cine cine. Kasebanya teti atemwe. Cilya e cintu cimo ena teti acite. Kabili ilyo mwafika ku cifulo ukutula mwatemwana umo no mubiye, kabili isonde lyonse lyafwa... (*Yohane 13:34-35*). [10]

Abena Roma 15:30, “Awe, mwe ba munyinane, ndemupapatila, muli Shikulwifwe Yesu Kristu, kabili mukutemwa kwa Mupashi, mukoshanye na ine mu mapepo yenu kuli Lesa pa mulandu wa ine.”

Umwakumona:

[1] “Malaika Wandu Akakutangilila” (53-0216), par.

7-8

- [2] “Ukwenekela” (61-0207), par. 9-10
- [3] “Ukubuka Kwa Mwana Mwanakashi Wakwa Jairus” (54-0302), par. 49
- [4] “Ukucetekela Lesa”(52-0224), par. 107
- [5] “Pa Cebo Cenu, Shikulu, Nalabikamo Isumbu” (54-1207), par. 46-48
- [6] “Ukupashanya kwa Bwinakristu” (57-0127A), par. 66
- [7] “Mumfweni Wene” (58-0301E), par. 63
- [8] “Mumfweni Wene” (57-0322), par. 51
- [9] “Ukufuma Ilya Nshita”(61-0415B), par. 25-27
- [10] “Mulandunshi Abantu Basukanishiwa Uku no Ku” (56-0101), pg.28+30